

桂留山房詩集

桂畱山房詩集卷十一

寶山沈學淵夢塘

汀州雜詩十二首

鄞江江水日南流野渡參差帶荻洲杉板輕船梭樣去

乘潮一夜過潮州

鄞江發源甯化至潮州入海諸水皆東流惟鄞水南流

篙師努力勸加餐邪許聲聲響碧湍竹簞裹船攔不住

西風吹過九龍灘

九龍灘在清流東南一百里爲閩中諸灘最險處下灘者輒傭土著篙師

船頭編竹箬

以蔽怒浪

棹亭十里上山椒一路春風酒幔招嘯鳥有情畱客住

鷓鴣嶺外畫眉橋

鷓鴣嶺在連城畫眉橋在長汀

淋漓翠墨挂紅藤，倒薤絲絲露石棱。般若高臺銅鼓壁，

千年猶識李陽冰。

銅鼓山石壁有倒書千年二字大徑尺李陽冰篆與福州般若臺稱雙絕

燒槽一曲譜新愁，秋漲黃花下蔣州。誰向南唐徵近事，

星星華髮左千牛。

鄭文寶富化人初仕南唐入宋登進士官工部侍郎著南唐近事二卷江

表志

二卷

古驛蕭蕭傍戰場，秋墳猶唱鬱金堂。不知巾幗貽誰輩，

死愧明谿莘七娘。

歸化明谿有莘七娘墓七娘五代時人從夫征討夫沒葬此遂家焉谿有

有驛宋時有客假館夜聞吟聲淒惋聽之乃七言古一

章敘夫沒營葬事甚悉七娘累著靈異勅封惠利夫人

廟食茲土文文山提兵過此有詩云男兒若不平妖亂死愧明谿莘七娘

農舍倉皇尚枕戈，蕭條風雨半山河。不知黃柏聯吟夜，

可比零丁涕淚多

黃柏洋在清流東五十里文文山行兵至此遇大風雨避入農舍與僚佐

聯句於此

南陲保障冠羣雄垂死如聞霹靂弓可惜白駒場畔客

也隨黃葉碎秋風

陳友定清流人今隸歸化明師入閩友定仰藥死大雷雨復甦執至京師

不屈死事詳明史白駒黃葉指張士誠

偶逢宦海寄吟身七子風流續後塵猶有布衣朋輩在

絕交休比眇山人

明嘉靖隆慶間徐子與守汀州適宗子相督學按部至此日與選勝賦詩

邑諸生黃公甫字心湖文章風雅尤善擘窠大字兩公載之與俱今朝斗霹靂諸巖兩公所題詩皆心湖手錄也一日試案揭心湖僅列平等子相爲一拱手曰未曾高拔前輩高致如此

隨身書簞盡拋殘文士從來笑七官宰相不知衣鉢誤

寓公猶戴進賢冠

順治三年王師入闔明唐王自福州來奔猶以書簾數十自隨大兵

追執於趙家塘明大學士傅冠進賢人國亡家燬寓

索甯門人江亭龍家亭龍縛獻有司械至汀州死之

瘦瓢行草最奇古

晚笑詩篇尤擅場流落人間好東絹

不應絕業數倪黃

黃慎號瘦瓢甯化人上官周字文佐長汀人俱善畫工詩黃尤工草書著

有蛟湖集上官著有晚笑堂集

雪海空濛出上方

巖屏長鎖白雲鄉題詩又觸江南夢

萬樹梅花一草堂

府西南朝斗巖梅花極盛惜未一遊時人日方寄家書散及之

正月二十一日宿甯化行館隔秋水園一牆耳伊

少沂別駕偕令兄

慰曾

見過將邀住周鐘鄭敦之

齋既以他阻弗克往坐談移時悵然作別行及邵

武卻寄是詩兼懷陰菊泉孝廉粵東使署

我昔願學曹景宗何意三日新婦藏車中我今腰腳非  
疲癯何意書生跼蹐居鸞籠適隨使星厯諸郡鎖院沈  
沈絕問訊有時輿轎開宵襟如攜白鵬挂淡林今朝喜  
就山城宿行囊暫卸東頭屋入門一片水雲空橋西惟  
見垂楊綠主人隔舍舉書帷翩然法護偕僧彌三年竟  
踐息壤約人生會合何離奇烹榛重與話蹤蹟紛紛南  
北嗟行役前年君作滬城遊我時策蹇長安陌歸來訪  
君君已行半載參商不相直去年我客邗江濱平山芍  
藥方餞春君來渡江又遲暮西風葉葉吹青蘋蘋花欲

采不可采與君直結天涯鄰南雲淡蕩駐山窟池館蕭  
慘分一笏敦鐘手澤定摩挲雞黍因緣初拜謁豈知阻  
客如重關一層戶限千層山分明夾著清漳宅惆悵張  
南周北間流水門前看接軫飛蓬消息全無準差勝山  
陰雪夜來終憐蓬島回風引吁嗟乎西鄰結社來何遲  
嶺南題徧陰鏗詩一樣梅花好風骨年年開傍他人籬

邵武雜詩十首

雁翅羅紋拾道旁不須款識覓香姜殘甌烏阪荒城外  
春草青青舊獵場越王臺爲無諸射獵之所時得古瓦狀如雁翅或如羅紋扣之作金石聲  
北平山下舊有烏阪  
賊越王六城之一也

拈出禪心最上頭  
羚羊挂角本難求  
瓣香敬奉滄浪派

到此纔登詩話樓

詩話樓卽城東北樓嚴滄浪與戴式之說詩於此

仙蟾蛻骨便飛昇  
悟澈浮屠第一層  
割據可憐胡洛度

沙門不少佛圖澄

劉海蟾名元英卽武人初以明經事燕劉守光一日有道人訪之爲演金

液還丹之秘復累卵爲浮屠狀以警之元英悟卽遁蹟終南山丹成尸解化鶴去

蛟蜃騰空石鼓鳴  
虛將詞賦動公卿  
如何席帽離身日

猶向春風訴不平

李翼光澤人以蜃樓石鼓周處斬蛟三賦知名累舉不第鄉人嘲曰李秀

才席帽甚時離身及登第有詩曰爲報鄉閭親戚道如今席帽已離身

江潭逐客悵何依  
泥馬成龍事已非  
誰與招魂青海北

上林一雁獨南飛

李忠定綱梁谿人先世居邵武後遷謫來此又邵武人李徵者陷金營嘗

在平山與洪歸相善會道君崩五國城中國未之知  
皓爲蠟書并求得章太后書命徵潛行歸始知消息

恩恩客館暫停車山郭青帘路轉賒誰比題詩狂道士

自斟卮酒看桃花

明嘉靖間有人題詩回向寺門者署日浪顛道人有覓个閒人潭不得自

出卮酒看桃花句

射鳥城角起烽煙馬上看花見杜鵑惆悵天涯寒食路

滿山紅影落吟鞭

周櫟園以按察入閩阻寇邵武有守城功寒食登詩話樓有詩云天涯作

客逢寒食馬上看花見杜鵑句邵武山谷之問杜鵑叢生二月作花猩紅獨路

嶺隘千盤控百蠻蕭蕭落日下杉關兜鍪氣盡毛錐禿

誰話風流幕府山

楊凌巖張孟政俱高才生爲周櫟園所賞識及周備兵時宴城樓適賊至

周手持一炬奉悍將魯雲龍使擊賊席去罷而魯已破賊歸楊爲歌詩紀之後楊死周悼以詩云文人蕭台將

軍死誰賦城  
南舊戰場

卻春雙夾酒波溫一寸紅冰玉盃痕錯認羅家清似水

邨醪休再說南門

以酒釀酒曰雙夾邨人多製之因名邨春色淡紅如琥珀張孟玖閩酒曲

所謂邨醪如水說南門者言其清澈到底也周櫟園閩

小記云子過邨武高主政崇穀餽酒淡而有致與羅家

錯認水無異閩酒當以此爲第一

樹杪重泉一夜銷樵嵐山色鏡中描樵谿曲似迴腸轉

流過城西五姊橋

樵谿出樵嵐山貫城中凡數曲第九曲在五姊橋

### 建寧雜詩十首

不須葛帳怨西華錦段零星散采霞畱贈一枝斑竹杖

祇應官米煮桃花

到嶽爲建安太守故與任昉相善餉昉惟斑竹杖而已昉復寄詩求二采

桂山房詩集卷上

五

段到答詩云余衣木百結閭中徒  
八鷗假令金如粟詎使貪夫廉

春草春波各斷魂誰將南浦署南門別離易老才華盡

采筆休題舊夢痕  
江淹爲吳興令卽今之浦城也邑有夢筆山城南門一曰南浦門

成佛生天未可知峴亭碑碣共相思最難香火梨山廟

供奉騷人數卷詩  
唐李頻爲建州刺史有惠政素愛梨山山水人以此羊祜峴山沒後立廟

祀之屢著靈應詩人咸神古所僅見

考亭舊舍接寒泉雲谷廬峰一脈傳底事麻沙書帙盡

更無福地夢嫋嫋  
考亭在建陽城西五里朱子舊宅也寒泉精舍在崇泰里朱子葬於此

因築舍其旁雲谷書院廬峯書院俱在崇泰里雲谷卽晦庵廬峯爲蔡九峯講學處方輿勝覽載建寧麻沙崇化兩坊產書號爲圖書之府朱竹垞建陽詩所謂恣讀麻沙里下書是也前日宿此訪之士人皆茫然矣

唐石山頭變姓名不妨蹤蹟溷嚴平摩挲曾識橋亭硯

留伴千秋玉帶生

建陽南門外朝天橋卽謝疊山賣卜處橋亭卜硯曩在京師見之

一條谿水界雲關驛路恩恩又往還惟有晞真殘雪夢

臥遊未到武夷山

分水關在分水嶺大谿之源出焉李忠定嘗夢雪夜棹舟山川清絕後謫

閩南道經武夷至晞真館滿山積雪恍如夢遊時也

二月中旬已進瓜青青豆莢肇蠶沙南鄉橋畔攤錢賣

不見迎船澤瀉花

竹垞詩云瓜瓢莢莢迎船賣只欠南鄉澤瀉花自注建寧產澤瀉可噉南

鄉橋名

焙芳亭畔漱清波北苑頭綱似碧螺苦憶江鄉二三月

春鐙初演采茶歌

元至元大德間武夷山督造貢茶創焙局稱爲御樣園中有焙芳亭諸勝

西湖遊覽志傳卷上句福建漕司進第一綱蠟燭名北  
苑試新吳下產茶絕佳以洞庭碧螺春爲第一余鄉二  
三月間鄉人試燈搬行雜劇佐以傀儡曲謂之采樣鏡

緣坡修竹翦離離雪白雲藍浸一池聽罷連邨砧杵響

湘簾半曬夕陽遲郡產竹紙造法以石灰泥池截稚竹

去青皮擣碎蒸熟以楮樹水浸之攪勻以細簾揭起欲  
其白則暴之日中查初白詩云出諸鼎鑊中復受杵臼  
擣是也

積雨兼旬舊路迷林梢雨雨唱山雞行人不怕春泥滑

又渡前邨苦竹谿山中多竹雞苦竹谿在政和境

### 南平道中寄同梅舍弟

谿水何時向北流芒屨踏徧古岡甌雨中喚渡催杉板

夢裏看山臥竹兜客路荒涼難貰酒春寒蕭颯尙忝裘  
一鞭款段江南路孤負年時馬少游

大橫驛口占

前年曾逐秋鴻去今歲又隨春燕來老兵相見尙相識  
笑指刺桐花已開

雨抵延平

指點邱墩渡煙巒四面遮竹雞曉暮雨松鼠嚼殘花驛  
路穿山麓人家壓水涯有懷明翠閣曾看晚天霞

同史穎生吏部

丙榮

衡峯上舍

悠融

王渠莊

熾昌

朱薑田

衣德

兩秀才集紅蕉吟館爲銷夏第一集

分詠得羊桃三十韻

未上綏山頂南來亦足豪  
嗜同羊喚棗投比木爲桃隲  
草箋鈔弋叢林釋楔旄  
畸零生翠纈熨貼拭蒼毛  
瘴雨經時熟衡星逐漸高三  
棱如脊起一捻許拳操制訝乖

龍耳輕宜諾鼠毫

梅堯臣詩又諾鼠毫

芟衣懸瑣碎榆莢墮

蕭騷鈴樣何從掣梭尖不受縲帶看攢角黍味想壓花

糕

楊萬里詩大官蒸羊壓花糕

摹狀誠難肖稱名莫漫叨牛心沈玉

李鴉眼綴蒲萄欲獻千年果翻憐五月羔種猶分躑躅

氣早辟膾腩小摘盛磁盆濃馨醒濁醪宜瓜羅位置楚

柚雜週遭黃暈層層珥青綳隱隱條擘綿虛白鬚爛蔓

脫緋袍滑趁雞頭剝香拈鳥爪搔回甘殊橄欖淪苦甚  
萋蒿澀口疑瘡啞酸眉共鬱陶漬宜藏蔗汁剖莫借蘆  
刀好弄嗤童稚饒涎謝老饕左車憎噉荔右手洗持螯  
落實寒霜岸提筐陟露阜含鵲秋圃淨夾竹晚風號蘭  
栗扶疏挂抵藩采擷勞亞枝飛蠟蠅殘顆剔蟻螯馬莧  
還畱齒穉蕢定配膏文章慚耳伯解事哂吾曹

閩小紀  
閩中不

胖者七事果中羊  
肥文中謝耳伯

### 銷夏第二集分詠

土笋

閩小記云閩海波誌沙啖塊狀一物如牛

馬臑肺頭長五六寸胖軟如水蟲無首目  
無足骨但能蠕動觸之則縮小如桃栗徐長  
臑去涎腥雜五辣煮之脆美爲上味閩人

誤呼爲土笋云樂  
清人呼爲沙蒜

沙蟲吹出浪花圓誤認山蔚蔬筍緣豈有籩材通蚓竅  
且將椒屑滌蝸涎夢回鄉味金蠶餽咒到齋期玉版禪  
孤負纖纖雲裏樣新苗又茁囑黃田

蜜蘭

建寧人家蜜漬蘭花冬月以  
之點茗一花泛泛鮮如初摘

燭盞晴窗索鬪檠自煎厓蜜浸蘭芽生香滿座新開箬  
活色經年不損花釀碧染成衣裊艷澆紅簪上鬢絲斜  
三升手盥薔薇露可有餘甘漱齒牙

銷夏第四集擬竹垞初白倡和絕句六首

花蛤

負殼乍登盤花紋漉殘瀋便爲開口椒不脫蝦蟇錦

竹蠅

斷竹復續竹新苗昨夜生拾來么鳳羽妒煞美人蠅

珠蚶

瓦樣楞楞小琤胎粒粒奇翻憐瑣碎甚如讀孟郊詩

香螺

佶屈吮瓊膏十枚先果腹攪成百和香買珠須買櫝

梅蝦

不用梅頭魚撈蝦勝垂釣憐此美髯須三旬供食料

梭魚

織罷天孫錦攜來海客槎齋期二十九喚買水梭花

許烈婦詩

臯某年中慘升屋三日不復七日復七日不復乃卒哭

至於七七四十有九日魂亦不可復人亦不再哭

解一再

拜啟阿姑翁疾幸瘳子則殂憫子殂後無遺孤再拜告

娣姒兼告諸姑及伯姊我夫不幸先我死我夫雖死尙

有弟我夫尙有弟翁姑尙有子

解二

翁姑歎息爲立後娣

姒諸姑日相守其日七七四十九吳俗相沿薦蔬糗闔

家慟哭婦則否登樓扃戶無聲久破扇視者駭而走帽

繩三尺梁懸紐

解三

咄哉夫婦雙孝節夫以劬亡婦以烈

婦年二十有六歲殉夫之歲在丙戌孟冬之月月十七

後夫死者七七四十有九日四解吁嗟乎烈婦不死何以

慰夫吁嗟乎烈婦遽死何以立孤吁嗟乎烈婦不遽死

而死乃可以謝翁姑五解吁嗟乎烈婦之死非爲名烈婦

之名人爭稱姓趙嫁許居華亭夫字懼之名祖恆翁爲

廣文父諸生廣文有弟官郡丞適權太守來榕城示我

誄詞兼厝銘賦詩畱作他年徵六解

外簾雜詠和徐香垞太守鑑八首

嚴關兩道立須臾白戰文章寸鐵無官吏是誰都點檢  
衣冠到武讐穿窬偏人咄咄先肱篋畱客恩恩便解襦

獨有孝先經腹在自家搜索不會枯

搜檢

似聞點將錄羣公簿牒簽名大略同逐隊笑成衙尾鼠

滿堂都是應聲蟲同袍爭擁千行白灌頂先叨一粒紅

料想丹墀臚唱日喧傳姓氏五雲中

點名

鱗次千間抵望衡周南張北各生成交如柳播州難易

帖寫平原位莫爭墮溷劇憐花片片劃溝疑隔水盈盈

只消三寸紅泥印不許鷗羣自結盟

坐號戮

肉作屏風酒作泉經旬食譜自成編傳餐何止三千客

下箸能銷十萬錢豆粥萍蘆營瑣碎鴨闌雞柵互喧闐

我來差勝屠門嚙許啖綏桃不羨仙

供給所時撫軍  
延余襄理閹務

倉稂魚鑰啟蕭晨卷帙紛投授受親撒手功名知幾輩  
等身著作屬佗人醇疵並蓄如收藥遲速難憑比積薪  
一種殘碑全沒字暫時也作席間珍

受卷

門陳傳來一紙紅青衫先已泣秋風偶污寒具偏憎客  
笑覆櫟杯僂惱公聚鐵六州原有錯補天五色竟無功  
重規疊矩分明在坦率誰教宋五同

貼出

手蹟叢殘萬券餘塗鴉一例付鈔胥欹斜字腳拳朱鷺  
慘澹文心換墨猪豈有千金能改字獨憐五體枉工書

葫蘆依樣君休哂三卷還佗博士驢

膳錄

藤酒研來筆染黃連篇句讀誦琅琅細猜人日方知鴈

學寫斯干已誤靡儘有說書憑郢客可無讀曲顧周郎  
校讐須識良工苦日爲秋風掃葉忙

對讀

吳西林赤嵌從軍圖

酒酣拔劍斫地歌烏烏吳郎示我赤嵌從軍圖左操鞭  
弭右執戈短衣袴褶垂曼胡將軍樓船侯舳艫下鴈橫  
海戈鋌俱一鉞南指浮澎湖雞籠鹿耳千金瓠螺桑百  
載開荒蕪島嶼安得藏荏苒何來惡少雕青徒白晝螯  
影含沙狐邑人三百歸而逋燎原十日將入郛狡兔營  
窟虎負嵎蠻觸大闢東南隅疆臣一夜飛兵符戢戢火  
艦編長桴露布所到民歡呼順者撫字違者俘一車載

鬼先張弧武洛頌祖來其蘇

番曲有武洛社頌祖諸歌

瑯袍簇簇美

且都

男子短衣曰瑯袍

山花插髻攜番雛刺桐錯落紅珊瑚蔗

漿菱酒斟銅壺

臺人以蔗釀酒亦有用梨子菱者

從軍之樂勝大酺是

時一隊君前驅披箐綠棘搜毚毚書生騎馬亦足娛下

馬草檄懸街衢倚盾磨墨墨不麤縛帶作筆筆不枯投

筆大笑掀髯鬢從軍之樂甘如荼南風簇簇吹歸途凱

歌饒唱喧鐔于戎裝結束青襜褕髯參短簿軍門趨惟

君贊畫隨中樞風濤險惡山崎嶇從軍之樂七尺軀鳴

呼衙官屈宋何爲乎不如早棄終軍襦乘風破浪良非

迂局促恥作轅下駒毛錐三寸皆凡夫君不見樓蘭頭

利無時無

九月十七日萊臧刺史招同戴湘圃殿撰

蘭芬張

詩舲農部

祥河

郭仲和

應辰

馮柳東

登府

兩太史

集西湖宛在堂遂汎舟至北郭仲和繪湖莊秋泛

圖兼送殿撰農部典試還朝二首

吟社湖山憶昔遊又攜詩卷上扁舟  
過橋曲折尋宮殿隔岸空濛俯堞樓  
野水白搖漁艇遠疎花紅入寺門秋  
最宜鸕鷀羣仙會忝畫滄江一箇鷗

話別西風酒易涼停撓四面水蘋香  
人間聚散新萍蹟湖上風流舊草堂  
莫聽離歌折楊柳最難歸計買陂塘

何當共趁星槎返一路看山下枯蒼

鄺湛若硯歌爲柳東太史作

并原序

鄺湛若名露又名瑞露南海人明季諸生忤縣令亡命走桂林爲獠女雲璉孀書記明亡殉難著有赤正嶠正朱竹垞檢討明詩綜采其詩漁洋集有抱琴歌亦爲鄺作懷寧兩阮未當國時露嘗受業後作書數萬言絕之蓋謝臯羽王炎午一流人硯長四寸六分寬二寸七分左旁刻天風吹夜泉五字八分書又楷書湛若二字明福洞主白文方印硯背有履二齋八分書四字

又述庵小印王司寇昶得之於梁學士同書者  
今其孫紹基以硯爲贄乞爲其尊甫立傳爰賦  
此詩并錄諸作以誌金石奇緣道光戊子初春  
勺園馮登府記

天風吹墮海雲黑硯窪黯澹凝殘墨中有畸人不死心  
夜泉一滴寒無色硯長五寸廣及半款識分明題背面  
疑是當年五體書一時鐫入青花片少年突騎衝街塵  
驄馬弗避官吏瞋西南絕徼走亡命幸有硯匣常隨身  
鬼門關外一綫春岑藍大姓爭延賓就中孺女美絕倫  
雙鬟半鞵垂烏雲兵符臥內草檄文擘箋捧硯皆紅囊

天姬隊伍簇錦繡翩翩書記仍儒巾詩篇慣遣木客和  
露布咸使徇官聞峒酋風土恣搜輯攜硯歸來珍什襲  
陣雲慘澹五羊城夜淡自抱蟾蜍泣其時海雪彈知音  
南風綠綺雙瑤琴圖書寶劍兩行侍烽煙一霎都銷沈  
獨畱此硯出蓬萊二百年來尙完好雲間司寇昔從軍  
殺墨如飛筆如埽一卷勝抵千球琳直壓歸裝貯峯泐  
石經閣上論緣始此物今歸馮太史從君一日三摩挲  
凝脂柔滑雲孃似猗嗟太史文章伯辭官請效陶彭澤  
無端橐筆走天涯比來翻作諸侯客去年西陲未削平  
書生紙上爭談兵間將盾鼻試磨墨墨花狼籍松煙青

今年凱唱旋西夏手挽銀河洗兵馬不須投筆學班超  
安用齋書馳陸賈吾曹生活誇硯田藏弄況復經前賢  
且將厯劫紅絲石重訂當年赤雅篇

十二月九日萊臧招同馮柳東太史沈筠坡秀才

用釋

讌集小停雲館爲銷寒會卽送筠坡之霞浦

天南苦恆燠入冬無衝飈呼冰作琉璃憶雪如瓊瑤一  
雨且昏旦晨起寒蕭蕭主人獲暫暇近局俄招邀蟄室  
徑丈餘堂下拖柴燒官酒清且冽縹碧浮瓠瓢水仙初  
作花寒香闕重寮曉言歲暮侶相期久相要出處固殊  
狀聚散仍無憊鶴嶺峙裨海戒程及崇朝山行兼泥行

推挽兼櫟櫨元雲鬱冬杪襍被尤蕭條且溫臘八粥一飽羈愁銷

消寒二集分詠

神麴酒

九醞十釀性所耽麴生伎倆誇泉南磨頭屑麴製方塹  
雙手搏雪裝筠籃青蒿野蓼漉苦汁甯以楮葉驅蟲蟬  
鉤陳蝮蛇四七宿六神配耦斬得驂匭包土物遠貽貺  
疏淪營衛搜風痰豈知宜藥亦宜酒茅柴新醅濃於泔  
山程犖确六百里封泥裹箬來雙壘大盆傾注漾縹綠  
鼻觀先覺香醪醺併衣五色想蒸鬱安知尤苦與樨甘

我生宜酒亦宜藥製造一一羅罌甌鉤藤浸漬效蠻榼  
天門冬味尤醇醴椰漿恰配桃樹麪松桂椒桔葡萄柑  
防風粥糜益智糲頗與服散功相參邵春雙夾苦薄劣  
瓜釀邠足經咀含南來風味酷慕此麪車倘遇拌沈酣  
雞鳴柯施勑新法冷醖細剉堆銀坭作書請擬賈思鰓  
再兼方技吾能諳

洪塘橋

紅橋西去林塘幽就中千戶誰封侯居人大半隸橋籍  
木奴兩岸盈千頭甘苞磊落綴叢葉有費其實如山櫛  
江城租稅頗不惡惟使橫截紅闌舟我來官齋低官物

關吏時作瓊瑤投十枚珍重絡絲籠鬻禁已過淡山秋  
不須覆裹耐藏久經冬顏色凝朱髻捧香十指勝柑柚  
蘆刀剖出寒漿流踰淮化枳理或有土貢往往徼東甌  
吳人歷碌豈欺客洞庭秋夢隨沙鷗雪前霜後數鄉味  
餽遠不用占楊由歸來且共甫里說新詩兼寄韋蘇州

東園十二景爲張子淵文治作

六山

九日畫一石畫師故作態何如運甓成叱使巨鼇戴

石臺

琴絃寫秋心棊局消午倦小坐未移時松花落如霰

香雪塢

積雪照林巒晴香封蓓蕾欲上最高峯爲君唱小海

梅隱居

隱者不知處梅花成一村主人題句在烟月舊柴門

碧雲溪處

宮詹老著書借此一分屋至今碧雲溪想見竹汀竹

玉照軒

籍甚張功甫畱題得舊名開軒花四照朗朗玉山行

聽雨榭

蕉葉大於幄雨聲四面秋驚高山下客破繖正蒙頭

鄰竹山房

綠楊兩家春寄書約元九卜鄰亦大難從君乞千畝

暝香嶼

釀酒愛老僧翻經憐名妓梅園種牡丹亦自有佳致

聽魚磯

竹竿嫋烟絲聞根付冥想隔岸荇花黃時聽一聲響

孤山市

橘柚輸官租梔茜收貨殖惜少種梅書補入齊民術

藥圃

我愛韓康市圓園拓數弓四山多小草請付藥籠中

桂畱山房詩集卷十一終

桂畱山房詩集卷十二

寶山沈學淵夢塘

端午東志局同纂諸君兼呈陳恭甫編脩

壽祺林

少穆方伯

則徐二首

著書歲月易蹉跎休把殘甌作鏡磨  
碧杜紅蘅裁郢曲珠簾畫舫夢吳歌  
不愁座客釘梨少敢謂吾家徵栗多  
谿水入城泥沒肝高軒可許遞來過

借紙賃廡兩堪誇攤飯光陰更鬪檠  
盧橘黃垂經月雨佛桑紅似去年花  
三枚食字輪乾蠹八尺跳波笑鈍黿  
且縛茅齋營爛窟不須懷古賈長沙

少沂題余寓齋曰小嬾窟取宋詞人

侯寅  
號也

少穆方伯招同桺東萊臧泛舟西湖疊前韻二首  
櫻鞵箬笠未蹉跎雨後湖光滑笏磨野港齊通瓜蔓水  
畫船新演橘枝歌畧宜竹屋三分少許占漁莊一頃多  
我向山公重啟事可容載酒日經過

任井歐池未足誇出城先索寺僧櫟千夫楊柳都臨水  
十里芙蓉盡補花沙澈夕陽沈野鷺圩田細草咒官黿  
參差白塔紅亭外兩派山泉證振沙

送湯漁邨總戎

攀龍

自海壇移鎮黃巖

東甌詩派策奇勳

明湯公讓允勸爲東甌王曾  
孫官指揮僉事工詩見明史  
繡入已

衣字字熏碧海回潮韓吏部青山讀畫李將軍樓船晚

渡平潭月

平潭卽海壇地

匹馬秋看雁宕雲愧我尙爲蠻府語

紅橋西堍話斜曛

彭魯青明府

宗岱

以憂去官畱滯閩中已閱一載

矣茲將歸貴陽復營先墓於敘州敘州其祖貫也

余因與萊臧柳東及徐竹莊明府

煌

餞飲於歐冶

池亭卽用來夢亭話雨韻四首

風約江干一簇萍雙肩蠻榼夕陽亭劍光入水自狀碧

山色出城無數青差好鄉音諧梓里

竹莊亦敘州人

許多春夢

墮槐廳

君與柳東皆翰林改官

貨錢料理歸裝緩又過秋期織女

星

布韞寬鞵君亦能黃紬已破況青綾去官便近悲秋客  
比舍聊同結夏僧鐵篴風吹山店月圍碁雨暗夜窗鐙  
此行萬里真惆悵莫怪當場酒不勝

黃塵衣帽撲惺忪馬鬣青山隔萬重巫峽西來開杜宇  
湘江南去正芙蓉消磨兩裏三年刺棖觸孤舟半夜鐘  
屈指郵籤黔蜀道瘴雲積雪已連冬

伐石鐔州寫去思輕裝如葉路人知三千紵絮何曾暝  
四十緋衣未算遲歸計不成江水誓寓公誰寄草堂貲  
閒雲再出應相憶我尙天涯負米時

初秋喜雨和孫平叔宮保

爾準

苦旱詩韻

懷冰不遣冷卻暑圍重鑪斗拋礮田方郵焦芋區非  
有澤物心何以萌萎枯一雨生上尺拍手千畦夫嗤彼  
三百步寸潦橫漸如喜雨實憫雨禳祈力已瘠方博玉  
女笑又恐浮雲徂繩河秋絡角夜坐增煩吁精誠感呼  
吸此理非元虛霖霖再三沛珠粒填街衢作劇驅旱魃  
策動豈邨巫一和快哉謠新涼生肌膚

張篴仙

翼

以牡蠣瓶見示爲賦二首

土花一尺蝕油紅  
蟻殼零星半嵌空  
好貯金經常不壞  
千絲網得蛤蜊筒

只合搏沙當酒卮未應汲水喚軍持  
前生定醉陶家側  
閱盡螺桑世不知

心清消息圖題贈姚石甫明府

瑩

霸才不喜王景畧奇士獨有蘇令綽中興大誥卽摹擬  
韓陵側豔已刊削六條奏議眞名臣賈董以下無其醇  
一曰治心五卹獄消息情理除貪瞋申韓黃老付一噓  
合傳邦可嗤龍門前人讀書不讀律畸重畸輕豈無術  
後人讀律不讀書公喜公怒意所如嗚呼百錢之狸不  
捕鼠終日繡塹閒寢處五色之梧能殺人功曹左飛封  
使君古來政體酌寬猛消息須從方寸領古來循吏皆

儒林一泓秋水先清心我友石甫如健鶻才氣粲粲向  
空闊品題合作馬賓王論事惜無周廣達石甫作吏如  
作文赤白旗幟張一軍石甫作文如作吏千金不可易  
一字彈缺鳴琴事不同文章消息我能通辦香爇向天  
邊月蘇武功耶姚武功

許少鄂太守

原清

松林飼鶴圖四首

閒雲不鎖鶴歸來滿地松花襯碧苔吾愛天寒和月守  
請君東閣補官梅

琴鶴圖書共一肩輕裝如葉上灘船人閒煙火尋常事  
也要先生費俸錢

枋榆儘許鸞鳩搶雞鶩成羣覓稻梁獨有癯仙好風骨  
疎林秋草立斜陽

松傍廉泉容易瘦鶴餐仙草不曾肥笑他一種蚍蜉撼  
可識天空自在飛

壽孫平叔宮保六十四首

東京甲第數西豪累葉勳楣擁節旄楊柳昔栽劉尹樹  
鵬鵠重拭呂虔刀舊時鸞掖文章重絕頂龍門位業高  
廣廈萬間樓百尺零軋寸璧盡鎔陶

裨海東南控巨波曾聞番社鬪么膺自提桴鼓驅青犢  
手指飄檣定白螺檄草遠馳驚突厥

臺灣不靖時西  
域亦力用兵 饒

歌內渡唱婆娑

著有婆娑集

愧無銘閣磨崖筆，緝取紅藤蘸

壁窠

從此補桑穩挂弓，轅鈴春晝響從容。  
早聞弦誦開常袞，更爲陂渠勗李珣。  
秋水架添新俎豆，梅花椿換舊坊庸。  
泰雲堂上雲膚寸，已覆天南萬畝椿。

戟門分餉五侯鯖，三月新櫟點石鐫。  
入座便能容趙壹，著書何敢說虞卿。  
石櫛文獻編長日，鐵硯生涯頌太平。  
進酒許隨官吏後，不妨縫掖雜簪纓。

題將勿齋

名棠

墨牡丹

吳宮花草太穠麗，繡谷風流絕世無。  
此是維摩游戲筆，

墨禪題上憶孃圖

陳石士閣學

用統

索王叔畦國博

學浩

畫焦山紀

遊冊子久而未報餉以越酒二巨甕乃得之

海雲萬丈吞晴霞寺門不見紅牆遮一拳濃翠出颿右  
西陵逆浪扁舟排東風策策翦江去石根孤踞江心沙  
焦山蝸廬不可覓樓臺湧現凌蒼閣碧桃青玉俯一切  
蒜山如蒜瓜洲瓜前年八月浮星楂水雲洗眼來南涯  
使程往返七里港官鼓時向回颿撾玉山畫師老荆浩  
尺絹珍過烏縐紗豈期能事受迫促夜航櫓酒三瓶賒  
焦山自昂金山顚酒味定歷中冷棹微嫌鶴壽字刊闕

古鼎亦蝕青苔花山靈請乞玉帶鎮安用二丈金袈裟

少穆方伯屬題其尊人暘谷先生

賓日

飼鶴圖次

孫平叔宮保韻

羣真躡層霄  
犴羽跨騏驎  
煙火謝人間  
豈拾稻梁穗  
松脂墮地香  
飲啄任所寄  
引吭作鸞停  
刷翎學鴻戲  
具茲神仙骨  
遼古結遙企  
味書啜芳腴  
詁經析同異  
道南闢精舍  
前型未墜地  
講席奉崔暹  
儒衣衷蔡義  
況筮在陰和  
天衢聳軒翅  
千仞爛光儀  
六合睇嘉瑞  
當時雲霞想  
已示鴻鵠志  
不見飼黃花  
銜環親拜賜

萊臧招同畢子筠明府

華珍張亨甫

際亮

何乾生

春元 雨明經登堅牢塏觀貞元永隆二碑旋宴集

於乾生玉雨山房別墅看梨花復徧觀宋人摩厓

石刻分韻得濠字

鳥峰俯瞰西南濠山麓已竝羅城高壁空咄咄挂孤塏

一角斜墮仍堅牢解衣槃薄二三輩絕頂趨健如升猱

萊賦亭甫乾生俱登絕頂鵝籠書生惜輭腳打碑獨自尋駝膏秦約詩蘭

碑猶打貞元片石尙完好安論于兢兼黃滔何家大山

詩中豪南塘門徑離塵囂爲言玉雨散菩薩春來自釀

梨花醪叩枝導客不一里草亭景曲圍青檮溼雲一白

黯於夢墮辦時雜山櫻桃兩肩蠻榼置檐廡酒陣合作

阜蘭鑿銅陽尙愁臥瓮捉

子籍不  
能飲

燭蓋祇解呼榛槽憑

闌面勢益空闊左右合抱雙江濤潮來巖去自今古鄰  
霄臺迴天風號雕鏤翠壁駁苔蘚巨石勇戴滄洲鼇龜  
雖蘖蘖四山響盤紆雲磴忘其勞唐鐫宋拓倏過眼佚  
字往往埋榛蒿山靈不厭斧鑿苦題名倘許容我曹

睢陽五老圖拓本二首

淪墨零綃八百年同時纓紱寄林泉依稀閱過東京夢  
換卻平陵二頃田

永平想見古衣冠花外扶鳩笑語歡不是昭陵全盛日  
耆英已作黨人看

方蘭如

熏

畫筍爲韓蛟門秀才

潮

題二首

費盡江南謝豹蝦河豚春水長蘆芽近來風味孰禪悅  
絕憶佗山三月櫟

東崦人家煙火遲烹葵燒筍餉東菑春來無限關心事  
咒過南風竹醉時

汀州羅氏庭植梅花一株作花甚盛羅卒梅不花  
踰三年乃復花其子顏所居曰孝香堂後梅萎於  
水主人作詩哭之因徵和焉

種梅人住梅花邨紅雪一堆香繞門歲歲花前眠紙帳  
人與梅花各無恙春風驀地摧枯枝種花人去花有知

生徒已廢蓼莪什草木休嗟萋楚詩三年風雪寒生棧  
客來索笑花不謗似憐素鞵同憔悴閒共青山閱廢興  
前人手植須珍護此是羅家病梨樹依舊疎花點綴明  
尙憐老幹婆娑趣豆苗漲雨灌秋城上冢船多挈具行  
草堂長物從頭數歷劫梅花又一生歸來人更爲花哭  
花竟無知成稿木絳趺朱萼愴當時補亡自唱梅花曲  
嗚呼孝香世澤長毋忘補梅人住梅花鄉憐佗殤杏菱  
荆後百首新詩弔海棠

海棠盡菱嘗作  
詩百首弔之

吾鄉李緇仲先生長蘅先生從  
子也明季遭家難所居漪園中

題恭甫編脩戀雲圖

大雲槃槃覆天宇小雲匱匱不成雨浮雲十丈埽秋空  
惟有歸雲能作主歸雲十載成停雲君方戀雲人戀君  
絳趺自補循陔什著有絳趺堂詩集素鞵曾鑄誓墓文青雲忽  
作白雲想玉堂曉夢辭仙仗著錄貪招北牖涼詎經昔  
署西湖長東南耆宿今無儔文章左海尊千秋著有左海經辨  
卜鄰近在黃滔巷講舍斜通紅雨樓我愛逐雲雲不止  
雲倘無心我竊喜向來疑作古人看比歲纔脩後進禮  
試院軒車御史驄南雲本在最高峰經綸終盼謝安石  
出處應商邴曼容

人日十二峰樓對雪萊臧用聚星堂韻見示邀同

葉小庚司馬神菊李蘭屏比部彥彬蘭卿太守彥

章作

打窗聲碎如落葉開門一笑喜見雪兒童生小未相識  
搓手成綿叫奇絕緋桃枝上兩三點忍寒不共梅花折  
因風斜起掠復止雜雨微飄明轉滅兩峯白晝嵐色換  
七堦黃昏鎧影掣卻憶江邨舊歲華紅鑪香燄圍簾額  
有時真酒坐團欒偶與烹茶談瑣屑祇今倦客久天南  
如此銷寒更飄瞥松陵小艇壓篷臥此事惟能對君說  
他日衝泥再訪君延津共躍腰閒鐵

詩藜藏權知延  
平府將之官

蔡忠惠公遺象爲劉西堂孝廉建庚作

荔廳松徑未荒蕪政績文章絕世無  
榷稅幾時增北苑

對田如舊溉西湖薰猶器判纓簪族翰墨名齊笠屐圖

莫待李維規晚筆十年前已寫清癯公集中畫生李維寫象詩有青眸綠

髮十年  
前句

過汪子芸蕪生尺園

市隱曾無車馬喧借人場圃自開軒  
綠衫四壁申屠屋

脩竹兩竿庾信園漱石已忘雲出岫  
補蘿祇許月窺垣

寓公傳裏分明數北郭聯吟此一番

題畫二首

野風吹過稻花天流水孤邨夕照邊  
沽酒歸來人喚渡

隔谿正泊賣菱船

半江紅樹雨瀟瀟  
略約橫波度野樵  
絕似垂虹亭畔路  
鱸香時節等秋潮

海上受降圖爲朱海谷觀察

桓

作四首

降海寇朱潰也

十載揚塵海邊浪  
花千尺照烽煙  
揭來鄧七縱橫地  
聞說朱三跋扈年  
別島飄檣棲塹柵  
回波鏖吹下戈鋌  
捷書稠疊乘潮至  
快見孫盧作水仙

雷車散卻萬艤幢  
十幅黃旗颭曉風  
餘黨尙存徐道覆  
受降不數寶安豐  
漫勞細柳千屯卒  
早挂樽桑兩石弓  
自是滄溟恩浩蕩  
官將獻策詫奇功

握蛇騎虎敢言勞  
引手東來一釣鼇  
豈羨諮謀參幕府  
祇憑忠信涉波濤  
鯨鯢避路春鵬穩  
鵝鴨鳴無聲夜月高  
聞道兜鍪齊著力  
何如雅曲蘊戎韜

封章連上 詔書新不用  
前驅誠邑人三面網開容困獸  
兩階千舞格頑民  
樓船過肆如天上  
甲仗聯營撤海濱  
盡盡把鋒鉞作農器  
瀛洲草綠課晴春

贈劉萬亭二尹 誦 二首 劉以庶常改知縣左遷臺灣縣丞

瓊宇仙人不耐寒  
暫將滄海裏中看  
酒龍詩虎渾閒事  
莫更當筵舞蔗竿

儘有封侯面似田  
從來猿臂遙為肩  
人間醉尉知多少

休說南山射虎年

方彥聞大令

履籤

卒於官黃心齋郡丞

宅中

歸其

眷匱萊臧作丹旆歸吳圖以紀事因題其後

吁嗟乎作吏不可廉而可貪楚相有子流落江之南吁  
嗟乎寶劍不贈生而贈死世間安得再逢吳季子吾友  
方令君測交半天下結綬徂南陬傾懷吐淵雅白雪黃  
荑調不同同時強作知音者豈知宰官一現真偶狀撒  
手笑上懸厓巔官私竈部喧不已身後祇贖王恭氊閩  
山吳水徘徊久古寺淒涼容廣柳憑誰債券擲千金更  
與粥饘營八口往來輿蓋皆逢場高誼獨數黃淮陽金

石有靈能結契山川無恙竟還鄉吁嗟乎雞蟲得失紛  
難數似此交遊足千古丈夫意氣空復情我輩單寒事  
何補爲展此圖重歎惜富蘅墨瀋猶狼籍富蘅彥聞齋名文章  
差幸付流傳志傳何年慰魂魄余方爲彥聞校刊萬善花室集而君政績卓著  
公論當載入通志名宦顧塘老屋餘荒椽宿草又入春芊緜芙蓉  
湖上全家淚正泊清明上冢船

白刪香女史蕉所畫紅竹爲許秋史費題三首

詩派江西本絕倫琉璃硯匣泥隨身一分屋外三分水

不見牽蘿翠喪人

畫作於江西官舍

暮雨悵悵苦竹洲紫簫人倚最高樓天涯多少紅心草

吹上春風葉葉愁

墨瀋欹斜筆有棱蘭窗寫徧判谿藤鷗波亭子雙鉤畫

一棹淞波近小蒸

昨見陸仲嫻年姪女竹譜少爲指示筆法管仲姬華亭小蒸里人今隸青

滿仲嫻同邑也

和心齋歲暮雜詠二首

年年把卷自長吟悅我詩魂歲月深歷盡才華仙鬼佛

飽嘗辛苦去來今錦囊易嘔千秋血尊酒難澆一寸心

爲問黃羊誰致富昨宵司命醉如瘖

祭詩

手檢蠶鹽有所思宵寒可否敵朝飢貂裘豈許千金直  
橫鼻惟應四壁知猶憶拔釵沽酒日最難賣櫝返珠時

倩誰料理西華債葛帔橫陳是客貲

典衣

二月二十日爲蘇文定公生辰李蘭屏比部蘭卿  
太守招同葉小庚陸萊臧兩司馬高雨農舍人翁  
惠農明府集小雪浪齋拜風雨對牀圖時蘭屏蘭  
卿卽將入都而小庚以明日先發分賦各體得七

古

我昔載酒登黃樓逍遙堂前風雨秋中年兄弟對牀語  
吟詩卻感韋蘇州五載南遊揖三李一門清望眉山比  
制科先後數才名少日文章動燕市年年臘鼓祀大蘇  
畫綵示我蘇齋圖北平學士脫手贈

翁覃溪先生

副以雪浪

銘盤盂今年二月月二十客來共讀樂城集豈知十有

四壬辰

公有壬辰生日詩  
恰符今年歲次

重與耶君作生日黃木拄杖

瘦若筋檀香銀篆須濃薰刷瓶餽合左右實紅泥雙印

鈴羅紋

樂城集卷端鈴二印一東坡居士爲紙笠卿太  
守藏玉印一子由爲吳荷屋中丞藏哥窯印

紫茸白髮懸小象月中梳頭善頤養壘鹽送老甘如飴

頭銜合署宛邱長子由四海無其倫詩筒獨惜傷離羣

獻策難忘懷遠驛題詩長憶鄭西門羨君共噉蓬池鱸

趨朝依舊聯行旆北郭曾分雪夜箋西園纔過花朝

會明發先吹一席風旗亭譜曲太怱怱

小庚新  
纂詞譜一尊爵

罷江天月可有新詞寄阿同

東坡笠屐圖

見過東坡百此髯真絕倫波濤隨宦海風雨著閒身  
襟熟且籠帽酒寒方漉巾兒童齊拍手僦屋是比鄰

次韻和梁茵林方伯章鉅畱別吳中士大夫詩四

首

灑徧中冷第一泉蒼生百萬荷矜憐宦情祇喜滄浪水

方伯重葺滄浪亭歸計曾無下溟田垂橐圖書供嘯傲曳舟童

叟許流連吳儂屈指周文湯後截鐙畱韉豈偶狀

積潦連畦沒水苔磬鴻滿目費驚猜江淮粟米千艘待

楚蜀飄檣萬里來野竈農炊魚作餌湖田秋稔蟹朝魁

辛勤題徧春陵句手障東南仗此才

聞道雲梯異昔時石菑葦岸孰相宜讀書先熟河渠志  
行部都吟膏雨詩茂苑鶯花春浩蕩吳淞潮汐夢逶迤  
紅男綠女江南話盡是雙旌去後思

江臯未許久煙蘿里社相逢使節多

林少穆中丞廖鉅  
大學使同時持節

吾吳皆方  
伯同里也亦有鯁生依海嶠漫將殘棗繪山河  
摳衣猶幸歸颿未獻策其如禿管何獨詫故鄉諸父老黃滔港  
裏侍鳴珂

南武奉祠詩

嘉慶二十一年候官李研雲年丈爲新陽令有

惠政及去民祠祀於卜山新陽古南武地也

眞陽共理集此書軼不傳太和五十絕諷誦無遺篇  
岷墮茫昧桀黠橫鉤牽大吳沉巨麗財賦東南偏帶水  
維亭潮剖縣婁江邊淳風踵角里沃壤圍湖田魚鱗析  
豪芒良法遵條鞭如何浸衰薄紀聞異前賢訟牒葛附  
藤逋稅魚藏淵豈盡民無良良亦治術愆李侯婉恭祐  
朗月秋宵懸刷廡祛害馬慨驚烹小鮮官民如一家雞  
犬皆安眠淞婁距廿里塘浦縱橫穿下流仰若孟具區  
浸遙天鹽鐵及夏駕新洋亘其前大府慨民瘼畚鍤羅  
喧闕役使十五邑百萬縻金錢緬維夏

忠海忠澤今昔

奚變遷柰以防河法移障吹澮川李侯治上流呼吸通  
表延獨持師古論郊直刊成編相度闢荒蕒灌慨腴寒  
暝策功逮旁邑何況城市塵飛鳧不可挽峴首豐碑鐫  
肖像祀浚儀伏臘陳銅鑊自來官與民痛癢交相聯彼  
此抒以誠此理難言詮鯁生東海氓一昔時洄沿野叟  
語及此涕泗猶漣漣我鄉百里程郡縣紛勾連訪客川  
沙渚屢叩歇浦舷萬喙寘一辭報東長生年胡獨淞口  
波回風引仙船有類雨隔轍雌霓空連蜺年丈自新陽後歷官上海  
川沙此調余邑以疾不果尋卒至今樂公社竝海崇香煙何止卜山麓  
我峩峙懷挺我未生謁侯沒乃趨几筵要隨軾轍遊謂蘭

屏蘭卿 行事徵老泉于公啟高閣駟馬行相旋將離索  
兩同年 我詩清芬擷蘭荃詩成增愜歎敬容孰齊肩中吳頻水  
潦溝瘠何人憐欲賫薦于曲下風鬱難宣

陳秋坪司馬

登龍

遺墨爲其門人甘滋蒼明經

題

百尺高樓未掩關一官踏破萬重山畫圖頗米迂倪後  
詩思黎風雅雨間筆冢有靈歸絕徼弓衣無恙繡諸蠻  
草元亭子今如昔腸斷侯芭載酒還

林鑑塘編脩

春溥

愛日圖

山林廊廟等閒看鍾鼎何如菽水歡翠黛春浮松五粒

青霞曉趁日三竿循陔詩句今猶補誓墓文章古不刊  
祇有葵心忘未得紅雲淡處是長安

六月十八日偕楊懷杞

傳榮

陸萊臧巢彥聞於積

翠寺詩夢回雲室時彥聞沒已周歲哭賦二首

西州門外黯斜曛酌酒山椒一慟君我輩風流成散雪  
何年詩夢再回雲宰官身世曇花鉢名士交遊宿草墳  
敝篋蕭條光萬丈祇容後死定遺文

秋風丹旆泊吳船是否前身玉局仙傳舍一官捐老屋

君舊居東坡老屋  
卽顧塘孫氏宅也

過橋三步卜新阡碑能墮淚皆知已

賦就招魂欲問天淒絕荔支三百樹紅雲無恙又今年

去歲六月十一日君偕余及懷  
岷叢蒨於此越七日而君卒

題螺江泛月圖四首

沙棠欸乃破朝煙荻筍河豚二月天絕憶春風楊柳岸  
輕颿曳上渡江船

冶坊浜曲鏡中天拂水新涼起管絃絕憶山塘鐙火夜  
衣香搖過隔谿船

漁莊蟹榼暮秋天家在圓沙淺渚邊絕憶板橋紅樹外  
兩三人趁賣淩船

空濛煙水欲連天青蒭篷低壓酒眠絕憶松陵殘雪路  
打冰聲泊夜航船

歲暮旅懷用少陵秋興韻八首

作賦何勞擬上林天涯有客感蕭森  
炎涼氣候隨時換  
雨雪牢愁特地陰人笑捉刀成故事  
我偏懷刺豈初心  
中年哀樂誰能會辜負題箋寄藥砧

羽檄西馳日易斜紛紛琳瑯孰才華  
天河已洗將軍甲  
滄海猶停使者檣市舶一鍼通弱水  
巖城三月沸秋笳  
毛錐雖好今無用襆盡江郎夢裏花

耐過霜棱盼曙暉長安春色正霏微  
明知肉食無奇相  
未待毛豐已倦飛嚼蠟功名容我嬾  
搏沙蹤蹟與時違  
誰憐駿馬千金直尙待秋風苜蓿肥

小劫淒涼一局棋  
家書遙共客心悲  
雁行中斷俄經歲  
燕壘重營待幾時  
夢裏青山昏似墨  
酒邊白日去如馳  
得歸便覺窮愁好  
谿上寒梅況繫思

淳熙舊藁續三山  
暝寫晨鈔故紙間  
水石畫多誰受促  
京都鍊就我何閑  
虛煩猿臂飛金僕  
淡怕蛾眉老玉顏  
借問分曹同搦管  
何如焚燭領清班

解屋東西住兩頭  
濃春蕭颯況經秋  
座無醴酒難成醉  
鬢有新霜始欲愁  
芻豢漫羈林際鶴  
波濤何預海邊鷗  
廿年老作諸侯客  
不信談天此九州

大星隕後事無功  
夏數交遊感慨中  
丹旆歸來餘宿草

麻衣把別泣西風硯非活眼安能碧花帶秋心已不紅  
絕憶茅檐晴日裏家家臘酒賽邨翁

鄉園不隔路逶迤楊柳芙蓉共一陂豈料枯魚依涸轍  
最難宿鳥揀寒枝南遷果否身宮注北望頻驚斗柄移  
祭罷新詩僮僕寐燈花無語背人垂

題徐星谿鎮軍春池滌硯圖

鎮軍長許氏學工詩

戟門嘯詠近南岡儒雅風流夙擅場解字家傳徐散騎  
注經人說杜當陽肇窠健蹄磨厓筆饒吹新忝樂府章  
盾鼻淋漓餘墨在天河手挽洗櫪槍

自閩中將歸恭甫太史以長歌送別次韻奉酬

閩山巖泉橫蒼冥八年兩度驅郵亭南州老宿絕行輩  
詰經餘論心先傾嫋嬛小館比邁軸青苔細碎堆秋庭  
我來叩古墮茫昧若涉淵海心怛怛書寮授簡愧屈屣  
義例竊取差持平金匱方喜刮眚翳黍管或許吹陰暝  
豈期聚散太倉卒首塗觸暑逢三庚急裝驟於凍雨至  
嬾窟難作閒雲停江南霑潦動連歲女休其緇男何耕  
麥苗盡萎豆蕕爛磬室惟有蝸涎腥尸饔老母坐愁歎  
南望萬疊雲山局當歸遠寄是何物安能長聚江湖萍  
此行獨爲太邱戀近局往往開軒廳異書許借走銀鹿  
高文偶示鏗華鯨論詩竊怪昌歆嗜讀畫時掘幽蘭馨

祇愁末學根蒂淺蛩蛩細響驚雷霆人生命意各有在  
春風不到蘆花汀謝公墩畔閉門久風利未肯輕揚舲  
何況蓬萊隔天上凡骨那許斟仙醪鳶肩火色無此相  
燕狀劒閣安能銘羊家舞鶴付一哂雞蟲得失紛盈廷  
得歸且歸計良是歸夢歷亂搖鎗檠夢顚園蔬佐朝膳  
菊苗薯蕷皆延齡螺江漲雨惡作劇三日畱滯忘我形  
感君醞酒沽三瓶酒波微紅雙眼青天公開霽我偃醒  
離聲一瀉連滄溟

仲和太史以斑竹摺帳贈行竝自誦題帳舊作次  
原韻和之

五檠羅羅似屋梁勝將移帳臥沙場未妨窮袴千絲縛  
畧見孤鐙一寸光湘管緘愁圍景曲銀鉤敲夢響丁當  
蘧廬到處容伸腳新署頭銜是夜郎

宿延平水東驛寄萊臧太守

灘聲作勢路回環爛熟郵籤又往還隔岸船移秋水渡  
滿城人住夕陽山雷霆氣挾衝車壯牛斗光銷劔鐵頑  
寄語衍仙前太守萑苻何術靖江關

洪山橋口號

青簑篷低黃竹兜欲歸無計可攀留惟餘一事成風漢  
荔子紅時別福州

黃田驛聞鷓鴣

亂山蒼莽雨淒迷  
謝爾殷勤爲我啼  
我亦明知行不得  
淡林輸爾有枝棲

甌寧官廨寄萊臧卽用萊臧寄柯易堂明府

培元

紅橋西墜月一夜送  
國關積雨雙谿水  
歸雲兩岸山遊蹤  
和夢倦詩骨入秋  
孱差喜南皮約柯  
亭掃蘚斑

古意一首次韻畱別易堂

朝辭渭城柳暮擷湘  
臯蘭美人軫良會  
明月何團圓結交  
浙曩昔膚雲合遙  
山傾懷悅詩禮光  
采裴裒間秋風

生微波仙骨吹珊珊纖爪纖素工曲箔搗桑田吳綾一  
尺五持以易齊紈妾爲射井鮒君爲橫海鱣南鴻遶芳  
訊蕉荔紛黃丹燒鐙駐流晷漱厄尋墜歡願言得驂斬  
變化如雲煙豈期苞稂根分畦注寒泉異箔製側理孤  
桐絛離絃安得六六鱗夾渌羅魚笓妾羞整蓬鬢君宜  
葆華顛撫茲膝下兒厯彼饑與寒東方擁千騎仙霞睥  
重關行行念君子風颿嫋難前

題楊雪椒比部

慶琛

滌筆圖

燕許文章有巨公應官聽鼓漫怱怱掣來碧海鯨魚外  
滌向冰甌雪椀中磊落吟箋酬北郭淋漓畫幃仿南宮

毛錐安用銀河洗要挽樽桑雨石弓

光孝寺觀荷贈紹先上人

侵曉城南渡蓮塘十里灣鐘聲臨水寺樵唱隔谿山琴  
識無絃趣碁銷半晌問行滕話吳越傻亦打包還

偕許靜溪登黃華山

單椒聳翠壓城樓載酒相逢追暑遊欄檻當空初入畫  
松杉絕頂已先秋雲含殘雨千峯溼水落危灘兩派流  
攜取故人斑竹杖尋詩抵得大龍湫  
湯漁村鎮軍招遊  
天台雁宕而易堂  
先有平  
原之約

題易堂夢螭園雅集圖

朱仕玠小琉球漫志龍谿  
李茂春明季鄉薦廬居臺

灣永康里題所  
居曰夢曉園

汐社遺民在濠梁達者觀詩經滄海壯夢入水雲寬池  
館流風易螺桑訪古難東楂方續錄搜剔到騷壇

錢研谿恭行腳圖二首

詠詩獨立自蒼茫別藝人間一辦香定是前身金粟影  
儒衣僧帽道人裝

葛藤倚樹一齊刪野鶴孤雲自往還我亦打包隨分好  
請攜勝具訪名山

小住甌甯遲劉鴻甫明府樞不至畱題驛壁

問訊城西古渡頭南來輿蓋輒勾畱祇愁三板輕船疾

一路灘聲過建州

建陽道中大雨歌

四山一白雨有聲雨來我往交綏迎雨師嗔我不避道  
天瓢萬斛撒手傾我持竹繖大於盾左距右距相支撐  
雨師益怒誓必勝半空叫嘯呼其朋旋風一落勢千丈  
油衣吹挂松梢棚雨乘我隙無不射白羽大箭紛縱橫  
昆陽不勝垓下敗隻手難與羣雄爭雷公嚇嚇電母笑  
女但避舍莫女撓豈知進退不自主背水又似淮陰兵  
輿夫僵立潦沒髀我亦瑟縮如秋蠅溝渠澗壑併力注  
大河一道橫庚庚吁嗟乎大河一道橫庚庚竹兜夏比

輕舟輕

自小竿嶺至仙霞嶺次僧舍壁間楊雪叔比部韻

二首

夢逐曉雲飛空濛入翠微  
水田穿石瘦竹磳壓雲肥  
殘雨欹桐帽新涼稱葛衣  
午鐘催過客取次款僧扉  
甌越東南險雄關踞此巔  
凡泥誰畫地蝨石欲捫天  
絕磴三千尺康衢二百年  
往來與浪穩何處識烽煙

弔黃太常墓和周小崑邱字韻

墓在崑山

埋骨何須奠首邱  
風雷終古護松楸  
吳王久許銅山鑄  
叔段誰湊蔓草憂  
問道有人馳白馬  
殘兵無計練黃頭

書生事事論成敗  
嗚咽婁江日夜流

桂畱山房詩集卷十二終